


續日本後紀


十七

和書門			
二	二	一	六
冊	架	函	號類

庫	文	閣	內	
一三六函	二	六	和書	
一三架	冊	號類		

內閣文庫		
番號	和	26
冊數	20 (17)	
函號	137	134





續日本後紀卷第十七

起十四年正月盡十二月

太政大臣從一位臣藤原朝臣良房等奉勅撰

十四年春正月戊戌朔廢朝賀大雪也天



皇御紫宸殿宴侍從已上賜御被庚子天

皇朝觀太皇太后於冷然院宴五位已上賜

祿有差甲辰天皇御紫宸殿宴干群臣

詔授三品仲野親主二品正四位下源朝臣

弘從三位從四位下橘朝臣岑繼從四位上



續日本後紀卷第十七

正五位下長田王從四位下從五位上有雄
王正五位下從五位下豐前王從五位上无
位雄江王正六位上高穀王並從五位下無
位源朝臣勤從四位上正五位下興世朝臣
書主從四位下從五位下藤原朝臣氏雄永
原朝臣未繼藤原朝臣仲統伴宿祢善男並
從五位上外從五位下物部首廣泉正六位
上南洲朝臣頭守橘朝臣安吉雄伴宿祢直

統紀朝臣貞丘坂上大宿祢貞守橘朝臣直
繼紀朝臣全吉藤原朝臣冬緒紀朝臣好雄
高橋朝臣祖繼藤原朝臣安雄笠朝臣出羽
麻呂安倍朝臣忠雄百濟王安宗藤原朝臣
繁推大中臣朝臣真主淡海朝臣豐庭丹墀
真人善雄石川朝臣貞成佐伯宿祢屋代並
從五位下正六位上豐任朝臣永貞伴良田
連宗春日部雄繼三統宿祢真淨讚岐朝臣

爲乍並外從五位下、宴竟賜祿有差。乙巳
於大極殿、修最勝會。己酉從二位源朝臣
定從四位下小野朝臣篁並爲參議、從四位
下藤原朝臣嗣宗爲左中辨、從五位上伴宿
祢善男爲右中弁、從五位下藤原朝臣冬緒
爲右少弁、正四位下源朝臣融爲近江守、參
議從四位上藤原朝臣助爲兼下野守、治部
卿如故、從五位下藤原朝臣藤爲兼加賀守。

陰陽頭如故、正四位下源朝臣明爲兼越中
守、刑部卿如故、庚子最勝會竟更引名僧十
餘人於禁中、令論義、訖施御被。癸丑天皇
御紫宸殿、宴侍從已上、覽踏歌、訖賜祿有差。
甲寅天皇御豐樂殿觀射。丁巳天皇內
宴於仁壽殿、教坊奏態公卿獻詩如常、竟賜
祿有差。二月丁卯朔丙子有勅、召配流人
前駿河國權、以從五位下藤原朝臣亮直前。

越後國權守從五位上藤原朝臣貞守前伯
耆國權從五位下藤原朝臣近主前安藝
國權從五位下藤原朝臣正世并諸國六
位以下人等六十二人令入京 丁丑從四
位上田口朝臣佐波主爲神祇伯從五位下
藤原朝臣春臣爲少納言從五位下橘朝臣
海雄爲左少弁從五位下紀朝臣筑紫磨爲
大監物從五位下菅野朝臣高年爲内匠頭

從五位下安倍朝臣忠雄爲圖書頭外從五
位下善友宿祢額主爲大學博士從四位下
時宗王爲治部大輔從五位下藤原朝臣貞
敏爲雅樂頭從四位下基兄王爲民部大輔
從五位下丹墀真人貞岑爲少輔外從五位
下都宿祢貞嗣爲主計頭外從五位下清内
宿祢園繼爲主統頭從五位下大和真人吉
直爲兵部少輔從五位下和氣朝臣齋之爲

刑部少輔從五位上藤原朝臣貞本爲大藏
大輔從五位下文室朝臣助雄爲少輔從五
位上坂上大宿祢正野爲宮內大輔從五位
下滋野朝臣善蔭爲掃部頭從五位下清原
真人清海爲典菜頭外從五位下出雲宿祢
全繼爲造酒正從四位上源朝臣寬爲右京
大夫從五位下安倍朝臣甥磨爲兼鑄錢使
長官周防守如故從五位上藤原朝臣氏宗

爲兼右衛門權佐式部少輔如故外從五位
下山代宿祢氏益爲山城外從五位上路真
人永名爲備前守 戊寅無品時子內親王
薨遣兵部大輔從四位下豐江王彈正大弼
從四位上橘朝臣永名兵部少輔從五位下
大和真人吉直左京亮從五位下飯高朝臣
永雄等監謹喪事親王者天皇之皇女 庚
申擇有智行者於延曆寺始置定心院十禪

師勅曰僧等每自各轉大般若經二卷共盡一部終而復始六時亦如法修行其預官中
最勝會并臨時公請者廻到之後隨日追填轉經之數十禪師若有闕擇才行共備人衆
所推者申官補之乙未周防國鑄錢司言
遷立司家東方浮上山者許之遂伐樹木也
三月丙申朔肥後國飽田郡人從三位大
藏卿平朝臣高棟家令正七位上建部公第

益男女等五人賜姓長統朝臣貫附左京三
條丙午請僧六十四口沙弥六十四口於
清凉殿轉讀大般若經召僧十七口沙弥廿
一口於常寧殿修真言法爲鎮物氣也戊
申雄雉自東方飛來集主殿太房前從渠西
走入洞門中右近衛六人接得視之體中無
傷羽毛全整矣己酉放雉於北野高飛
遠去辛亥讀經畢施度者各一人及御被

甲寅阿波國言停讀師者聽之 己卯天
 皇御入省院奉遣幣於伊勢太神宮 己巳
 天有鳴声餘響音殷殷良久而止 戊寅郡鳥
 億萬繞日上下自日中到黃昏仰看空中不
 知何鳥 庚辰請僧入百口於城中講仁王
 經其咒願文曰夫識之所識曷嘗非識知之
 所知未始不知是故能行而所行兼空則構
 受之理廢自性而無性不異則執取之念忘

唯斯仁王護國般若波羅蜜經者施慈敷愛
 之奇法避難安刹之神符領之有用則人鬼
 調和廢而不行則龍神怨怒者矣聖朝罪身
 尅已常慮天下不名之灾憂國思民猶恐四
 海莫來之咎節會百官先申齋禁高座開百
 僧及千一日二時於王城中演說此大乘檀
 塞紫極暫為香花之四廬灑掃青宮更作涼
 燠之三殿上林羽獵之花今惟歡喜昆明漁

續日本後紀卷之七
七
鈎之池皆是阿耨微音漸振如象池之今日
新來妙義初披似龍宮之昔時未秘伏願十
方諸聖八部雲祇向仁王之寶鏡以護國爲
身謀推梵帝之金輪以除災爲己任縱有含
冤衆鬼不義群神變風雨而爲逆起水石而
作恠而猶感此汪汪之化從彼浩浩之權反
咎爲休應時草靡然則宸階絕袂毫之敬言玄
庶無露寢之勞王燭長懸與仙豫而無蔽神

珠在握將至慮而弥照環丘之鵲投穗軟於
有年楚庭之羊銜粟表於豐歲禍何在而不
消福何之而不至諸天共歡衆民俱樂久爲
帝王之人同入仁壽之境 庚辰左京人戶
主御支王男死位廣野大野戶主武藏王男
福雄春雄真野安野等王六人賜姓淡海真
人也 右京人右少史從六位下山口忌寸
豐道薩摩目太初位下山口忌寸奥道散位

從八位上山口忌寸貞道婦人山口忌寸周
子恒子等五人並改忌寸賜朝臣等豐道等
後漢靈帝曾孫阿知王苗裔也左京人正五
位下豐峯真人廣龍言賜淨廣壹高市親王
之子世屋王娶大納言從二位文室澤三真
人女生正六位上田王男阿上王娶從五
位下文室真人正嗣女生廣龍頭尋因生之
義同賜文室姓而况廣永等不認祖宗以去

延曆廿四年耳賜豐峯真人姓今據彼世數改
賜姓文室朝臣 戊子神祇伯正四位下田
口朝臣佐波主卒也詔贈從二位以嵯峨太
皇太后之外戚也是月數數有群鳥遲明自
西方度東方其夕覆天終始不見訪諸故老
皆云未曾聞之者 夏四月乙未朔宴侍從
已上於紫宸殿賜祿有差 庚子鸞輿臨于
神泉苑賜侍臣祿有差 癸卯近江國蒲生

郡倅囚外從七位下小散南公延多孝外從
八位下宇漢末公阿多奈磨並授外從五位
下以勲功之苗裔也 乙巳親子內親王初
筭宴親王已下侍從已上於內裏非侍從及
未得解由大夫皆預飲筵宴誌賜被 丁巳
以從四位下小野朝臣篁為彈正太弼從四
位上橘朝臣永名為神祇伯權律師真濟為
律師大法師真紹為權律師 五月乙丑朔

己巳天皇御武德殿觀馬射 甲戌以從四
位下時宗為大學頭從五位下菅原朝臣是
善為兼東宮學士大內記如故 乙亥於清
涼殿行莊子竟宴先是帝受莊子於文章博
士從五位上兼脩中守春澄宿祢善繩是日
引善繩宿祢殿上殊酌息杯行束脩之禮令
左右近習臣各賦莊子一篇管絃交奏酣暢
為樂庭燎晰晰賜善繩宿祢御衣二襲自外

御膳

之物亦稱是也賜近臣祿各有差當代儒者
共以為榮 辛巳散位從四位下藤原朝臣
豐主卒 壬午賑給左右京飢民以雨久不
止也 丙戌授百下膳臣立正七位上立
正若狹國百姓也代窮民輸塹五斛庸米百
五十二斛准稻四千六百八束 辛卯皇帝
引文章博士春澄宿祿善繩於清涼殿始讀
漢書是日毀前左太辨從四位上正躬王左

中弁從四位下伴宿祿成益右中弁從五位
上藤原朝臣豐嗣左少弁從五位下藤原朝
臣兵雄等四人位記各一階緣受推法隆寺
僧善愷違法訴狀也 六月甲午朔丙申太
風發屋折木雨亦降入夜弥猛 丁酉遣使
奉幣於松尾大神祈之 甲戌常陸國新治
郡人三村部綿女一產二男一女賜正稅稻
三百束乳母一人 乙巳暴雨如懸河此夜

月^ロ量^リ之外有^テ百氣繞^ル之^ラ 己酉散位正四位
下^ニ紀朝臣名虎卒^ス 甲寅霖雨止息先是左^リ
相撲司仗^テ萬野郡家前^ニ槻樹^ヲ作^テ大鼓^ヲ有^リ崇由^リ
是^ニ奉幣及鼓於松尾大神以^テ祈謝^ス 用鼓牛皮十二張一面六張
七月甲子朔從五位下淡海真人豐庭爲若^シ
狹守^ト 乙丑賜左相撲司^ニ印^一一面^ヲ 丙寅置^ス
春官坊監署六司史生各^ニ二員^ヲ 辛未天台^ノ
留學僧圓載^ハ僊從仁好及僧惠夢等^至百大

唐上奏圓載之表狀唐人張友信等亦七人
同乘而來着^リ 壬申加安房國火神并從祭^ス
神正統穀^一百斛^ヲ 戊寅大上天皇之國忌^ト
也天皇延名僧於清涼殿講法華經事竟施^ス
御被^ラ 丁卯修造構津國天依羅社肥後國
阿蘇郡國造神爲宮社^ト雪藏者^ス日向國倭囚
祿料稻十萬七千六百束以^テ俸囚^ノ死盡^ル存者^ス
負少也 甲申右京人六世賀我王七世真

親王等十三人賜御高真人姓忍壁親王後也
丙戌奉白馬幣帛於丹生川上雨師令
祈止雨 巳丑奉授正四位下勳二等松尾
大神從三位餘如故致仕叅議正二位藤原
朝臣經繼亮經繼者叅議正三位勳二等式
部卿兼太宰帥宇合之孫叅議從三位勳二
等太宰帥藏下磨之第五子也延曆廿二年
正月叙從五位下弘仁元年授正五位下五

年四月叙從四位下職歷内外兵部太輔右
京大夫左兵衛督武藏相摸守天長之初拜
叅議任兵部卿五年叙正四位下七年授從
三位致仕閑卧山井里第兼和七年叙正三
位年八十五而終 八月癸巳朔宴侍從已
上於紫宸殿賜祿有差 丁未越前國丹生
郡人太学助教外從五位下春日部雄繼等
二人刑部字爲春日臣兼除邊籍貫左京山

城國愛宕郡人散位從五位下山代宿祢祖
繼等五人改本居貫左京三條 己酉遠江
國秦原郡人秦成女一產二男一女賜正稅
稻三百束及乳母一人 癸丑西京衛士町
突燒百姓庐舍亦餘烟 九月癸亥朔丁卯
以散位從五位上藤原朝臣宮房爲中務大
輔 辛未是重陽之節也天皇御紫宸殿宴
于親王已下侍從已上但召非侍從諸司綠

杉知文者如常同賦草木言之題宴記賜祿
有差 庚辰入唐求法僧慧雲獻孔雀一鸚
鵡三狗三 庚寅山城國愛宕郡空閑地一
町八段賜散位正六位上讚岐朝臣永成
十月癸己朔授正六位上安倍朝臣長谷從
五位下上野國郡波郡人左近衛府將監正
六位上檜前公經主賜姓上毛野朝臣兼貫
左京四條 甲午遣唐天台請益僧圓仁及

第子二人唐人亦二人到自大唐 丁酉詔
贈大納言從二位橘朝臣奈良麿更贈太政
大臣正一位崇帝戚也 己酉從五位下藤
原朝臣高直爲斑山城甲使次官從五位上
笠朝臣年嗣爲大和次官從五位上藤原朝
臣貞守爲河內和泉次官從五位下藤原朝
臣貞世爲攝津次官 辛亥授雙丘東墳從
五位下此墳在雙丘東天皇遊獵之時駐蹕

雙丘東墳位

於墳上以爲四望地故有此恩 壬子雙丘
下有池池中鳥成群乘駕臨幸放鵠隼拂
之左大臣源朝臣常山在丘南因獻御贄
賜扈從臣等饌 甲寅奉授補中國死位吉
倫津產命神從四位下 乙卯以從五位下
橘朝臣仲村麿爲紀伊公 戊午二品有智
子內親王薨遺言薄葬兼不受葬使內親王
者先太上天皇幸姬王氏所誕育也頗涉史

漢兼善屬文元爲賀茂齋院弘仁十四年春
二月天皇幸齋院花宴得文人賦春日山庄
詩谷探勤韻公主探得塘光行蒼郎瀝筆曰
寂寂幽庄山樹裏仙輿一降一池塘栖林孤
鳥識春澤隱澗寒花見日光泉声近報初雷
響山色高晴暮雨行從此更知恩顧渥生涯
何以荅穹蒼天皇歎之授三品于時年十七
是日天皇書懷賜公主曰忝以文章着邦家

莫將米樂肩煙霞即今永抱幽貞意無事終
須遺歲華尋賜召文人料封百戶天長十年
叙二品姓貞潔居于嵯峨西庄薨時春秋四
十一己未鷺集春輿殿上十一月癸亥
朔丙寅奉授陸奥國無位宇奈已呂列神從
五位下己巳尚藏從二位緒繼女王薨女
王能有妖媚之德淳和太上天皇殊賜寵幸
令陪官掖薨時遺命不受葬使于時年六十


續日本後紀十七
一 辛未天北有聲如雷 癸酉奉授尾張
國死位大縣天神真清田天神二前並從五
位下 己卯分遣使京師及畿内大寺亦六
所誦經修福 壬午人定之時有如流星者
自西殞東其光赤廣二町餘長十許丈 癸
未屈五十僧於清涼殿日轉金剛般若夜修
十一面法兼令十四口僧修息災法於真言
院並以三箇日為限焉 十二月壬辰朔癸

己以律師傳燈大法師位長訓為少僧都大
法師道雄為律師 癸卯奉授河内國丹比
郡死位丹比神從五位下 乙巳從五位下
紀朝臣全吉為主殿頭從五位上百濟王慶
世為齋院長官 庚戌右大臣從二位橘朝
臣氏公薨遣中使於篇詔贈從一位遣叅議
從四位上行式部大輔兼勘解由長官滋野
朝臣貞主從四位下行治部大輔房世王等

續日本後紀卷第十七
監護喪_イ支_イ氏_イ公者贈太政大臣正一位清友
朝臣之第七子也弘仁之初任左衛門大尉
六年叙從五位下_ニ尋轉佐八年十月加正五
位下_ニ任但馬守十一年叙從四位下_ニ類加階
叙十四年至正四位下_ニ天長十年授從三位
任參議承和五年遷中納言八年十月加正三位九年三月轉大納言十二年正月
為右近衛大將六月加從二位任右大臣移
病居_イ篤不視世事以太后第歷此顯要焉薨
年六十五 丙辰勅大和國城上郡長谷山

寺高市郡壺坂山寺元來靈驗之蘭若也宜
付所由_イ給_イ為定額永以官長令_イ檢_イ授也

續日本後紀卷第十七



續日本書紀卷第十七

十八終

續日本書紀卷第十七
 外傳...
 行高...



